

13

C'houi'peuz digaset deomp gwechall
Santez Jeann d'Ark, p'edo Bro-C'hall
Dare da vervel gant anken;
Didan seul pouner an estren.

14

Goude brezeliou didruez
Bro-C'hall adarre 'deus enkreuz:
Deuit eur wech c'hoaz, arc'hel santel,
Da zigas dezi ho skoazel.

15

Grit deomp lakât da ren ar vro
Kristenien start hag a ouezo
Ober a-nevez eus Bro-C'hall
Gwir zoudard Doue'vel gwechall.

A. G.

IMPRIMATUR

Quimper, 10 a viz Ebrel 1951

J. CADIOU

Vikel. vras.

8N2-3-052

Meuledi ha Pedenn da Zant Mikael

Patron Chapel Sant-Mikael e Plougerne

Ton: *Rumengol*

Diskan;

O Sant Mikael, hor zant Patron
Deskit deomp stourm gant nerz-kalon
Evit enor ha gloar Doue
Ha silvidigez hon ene

1

Er Skritur-Sakr, ni'wel en nenv
A-nevez krouet gant Doue,
Elez milliget Lusifer
O sevel eneb o c'hrouer.

2

Penaoz, hi kaer hag evurus,
Eo deut o c'halon ken lore'hus
Ma klaskont beza par deza
E leac'h e garet dreist peb tra?

3

Met c'houi oa eno, Sant Mikael,
E penn an holl elez fidel,
Evel eur marc'heg er stourmad
Gantan eur c'hleze temzèt mat.



4

Setu raktal an elez fall
Stlapet en itern da yudal,
Ha kaset pell diouz o Doue
Evit an holl eternite.

5

Siouaz! ni wel emaint hirio
Bepred o rêdal war hon tro
Oc'h ober droug war an douar
Evel leoned e kounnar.

6

Hag e touellont an dud keiz
Dre ar c'hoantegeziou direiz
Hag ar froudennou diskiant
A lakont enno da ziouan.

7

Missioner santel hon Arvor
Mikael an Nobletz, ho filhor,
War e daolennou a verkas
An techou fall a voug ar c'hras.

8

Morse ne c'hellimp kounac'hat
Kenteliou kaer hor c'henvroad

Mel hor skoazellit, sant Patron,
D'o skriva doun en hor c'halon.

9

Grit deomp kaout euz ouz an techou
A zoug an den d'ar pec'hejou
Ha beza bemdez war evez
E labour hor zilvidigez.

10

Pa vez dievez war an dour
An den a vor, ar pesketour
Abred eur barrad gwall-amzer
A strink e vag ouz ar reier.

11

Grit ivez deomp chom unanet
En dro d'hon tenzor benniget
Ar Feiz a heuliaz hon tud koz
Hag a verk hent ar baradoz.

12

Mirit na wellfet war hon tro
Trubarded a ve mall ganto
Evit plijadur pe arc'hant
Besa mevelien da Zatan.